



默庵詩集卷之五

五言絕

小竹

陰連湘浦晚翠滴雨聲寒莫訝叢生小終期宿鳳鸞

小扇梅花為吳友賦

夢裏羅浮路依稀竹外村一枝春色動清氣滿乾坤

題扇兩人偶坐似清談者

不辨賓與主誰知是與非夕陽相對坐應是話接機

對雨看晚唐柳中庸江行詩戲和遣興

黃蘆滿汀洲白鴈投江渚何處遠歸人征帆帶飛雨

梅花扇為雙四兄賦

不踏西湖路于今又幾年清風明月夜還憶老逋仙



油扇父親要詩

畏日作炎蒸襟懷藉爾清杖藜林木下幾度伴吟行
白扇白梅為思聰賦

庾嶺春初動孤山雪未消玉人無處覓風外暗香飄

戲題小扇諸姪各爭先以討走筆以荅之各目物狀
形十首

野樹映晴川舟橫古渡烟分携如不忍相顧意留連
書屋臨江次波光帶樹流扣門無俗客濟渡有孤舟
晴峯飛翠靄烟樹隱塵區何處幽閑客相逢看畫圖
雲樹凌晴漢書亭俯碧流問津人已遠閑却濟川舟
歲晚經湘浦堪收入畫圖雪餘凝望處一片玉模糊
行藏隨所遇用處絕虧塵若問平生伴清風是故人

扶策出林坳同行暢野情依依重回首相似聽泉聲
林密鳥聲柔山深雲影浮若人愛清致掃石對溪流
雲壑森烟樹扁舟釣夕陽平生誰是侶鷗鷺日徜徉
林壑樹蒼蒼金爐靄篆香聞渠何所祝壽域共天長

題小扇圖示子昭 有一面白扇

山色浮精翠松陰護石磯幽人聽瀑坐應自澹忘機
玉版真如雪裁成燕尾長吟餘搖動處兩掖自生涼

中秋病中口號五言十絕遣興

客邸中秋夜囊空缺酒錢任他明月滿辜賞有誰憐
露冷金風細天高月上遲一年惟此夜光彩勝他時
雲淨天如洗冰輪貼漢流懸知清賞處光滿桂花樓
故舊多星散相思意惘然病中孤好景誰共對嬋娟

夜靜露華寒，仙家露玉盤。愛他光皎潔，和病揭簾看。
萬里雲收盡，瑤天絕點塵。團團一輪月，空照客邊人。
節遇清秋夜，幽懷倍慘然。故人千里外，明月自團圓。
此夕冰輪滿，清光遍九垓。病餘題俚句，聊爾對均裁。
不對容山月，于今幾度圓。薊門當此夕，孤賞有誰憐。

小竹扇為大八舅援筆賦

孤蓬湘浦夜，入夢雨聲寒。鳳尾多瀟灑，誰移畫裏看。

題時立銘所藏郭天錫墨竹二首

澗谷風初靜，湘江雨未收。鷓鴣啼絕處，聲斷暮雲愁。
憶昔瀟湘夜，蓬窓醉夢驚。月明天似洗，無處着秋聲。

題小景為中書邢克敬賦

山遠雲連樹，溪迴浪湧沙。夕陽村墅水，喚渡過誰家。

題梅竹幽禽二首

脩竹經霜翠，梅花帶雪香。幽禽如有意，相喚對斜陽。
何處飛來鳥，依棲梅竹深。不貪桃李色，共守歲寒心。

題牛背牧童

東臯初釋耒，牧豎暮歸遲。短笛渾無調，臨風信口吹。

按察使張公宗政以客中寫懷八絕見寄聊和以答

舊好惟君最新詩，惻我思客窓披閱處。孤月照人時，
纔記同樽酒相遠。又隔旬光陰如撚指，何惜騎來頻。
遊宦京華久，不知誰可親。獨憐風月好，常自伴吟身。
離家經歲月，幾度數歸期。無奈清秋夜，迢迢更漏遲。
歲晚空山候，孤燈坐夜深。一聲天外鴈，驚斷故園心。
孤館嚴冬夜，梅窓月可憐。清光橫瘦影，吟對興悠然。

同作金門客相知今幾年花前曾對酒醉和白雲篇
窮通皆有命守道竟何慚莫計榮枯事逢人盡醉酣
憶味道二首

一自分携後吟懷轉寂寥小窓孤燭夜忍聽雨瀟瀟
涼雨新秋夜迢迢更漏深篝燈誰是伴相憶費清吟

四月十九日過驪山訪高味道弟姪各以扇索詩隨
景物走筆答之

宇宙無古今人心異今古高誼薄層雲視金猶視土

菜為趙舍賦二首

衆欲嗜膏粱寧知此味長惟甘淡薄者始厭大官羊
帶露色鮮妍相看我獨憐休言滋味薄清淡勝腥羶

蘭二首

楚畹春深候幽蘭氣味新宜將紉作佩寄我玉堂人
不同蕭艾群托根在空谷花開人不知風前自芬馥
白鷗來往隨舟似馴熟而不驚故云

棹發江聲急烟深樹影微沙鷗如有識來往傍船飛
憶味道口號

涼雨清秋夜梧桐月上時孤吟誰是伴相憶思遲遲
口號冬日目士悅回寄先生

歲晚天寒日山空風怒號客邊無所有聊爾寄霜毫
走筆題梅花墨色

我愛姑射仙清標似霜雪誤落風塵中玉顏總如鐵
中秋口號目兒女戲索之故云

客邸中秋夜蟾光分外明開筵恣清賞兒女總歡情

題藍閨圖

華屋酣歌舞滄江罷釣竿滿天風雪夜誰念逐臣寒
送黎知州恬之南京

載酒臨官道黃花咲客衣幾多離別思都逐鴈南飛
七言絕

為王德齋題小景山水

樹底柴門晝不關讀書人共白雲閑誰知更有清閒客獨立
斜陽看晚山

口號戲和中書周用珎韻

半捲湘簾對晚涼漸看新月度西廂玉人別後無消息忽見
青鸞喜欲狂

桂花小鳥

雨後西風散晚涼一枝仙桂發天香幽禽似愛黃金粟飛向
花邊對夕陽

雨中有懷

梅雨連朝獨掩門蕭然街巷似山村香銷白晝簾垂地憶着
知音欲斷魂

雙松平遠圖

平原秋晚氣蕭森獨見雙松落翠陰艤棹不知何處客斲苓
應是過雲林

山水圖

松竹團陰鎖綠苔白雲窓戶絕氛埃山童淨掃門前徑應是
湖南故舊來

敗荷鷺鷥

枯荷敗葦滿汀洲
殘綠餘香帶淺流
屬玉飛來漁浦晚
雪團點破碧天秋

菜

青菘紫芥徧春畦
小雨初晴二月時
試摘山厨供晚飯
澹中清味竟誰知

林下偶坐

相逢應是澹忘機
坐憇松陰傍釣磯
說盡人間多少事
不知誰是更誰非

牛

畊罷東皋下隴頭
澹烟芳草夕陽收
牧童慣識林塘路
笑坐歸來穩似舟

馬

華山春暖草初肥
縱放歸來日暮時
莫道氣摧風骨老
曾隨仙馭到瑤池

竹木幽禽

落葉平林遠墅空
踈篁枯木自成叢
不知何處飛來鳥
獨立人呼十二紅

梅

氷姿元不染纖塵
彷彿羅浮夢裏人
憶得江南殘雪後
一枝常占上林春

雲山人家

茆屋人家野水濱
迢迢苔徑過橋分
日長車馬渾無到
惟有青山帶白雲

蒲萄為許信賦

西風窻戶晚颼颼
架上蒲萄已熟秋
細數不過三十顆
爭如一斗博涼州

桃花白頭翁

何事幽禽也白頭
多情想是為春愁
緋桃一樹花開遍
啼斷東風意未休

梅山茶

一枝嬌艷雪中開
醉怯寒風傍臘梅
野鳥似憐春色好
繁華深處故飛來

和靖圖為洪中書作

老鶴歸來暮雪深
山童衣薄冷難禁
先生獨得梅花趣
坐擁雙肩費苦吟

憶味道

一自嚙哀別薊門
幾回惆悵嘆離群
春風擬約尋詩伴
同上三茅看白雲

梅為湯伯安賦

孤根幾許托巔崖
箇箇踈花映水開
憶得羅浮明月夜
夢中疑是玉人來

雪梅為蔡宗濂作二首

春動官橋雪未消
寒驢隨處探孤標
祗應誤踏羅浮路
驚見仙娥整玉翹

雪壓冰枝冷不禁
寒香素影傍瓊林
追思東閣清吟夜
月到紗窓玉漏深

為強德中題菊二首

百般紅紫盡離披
獨有黃花晚節奇
幾度醉扶筇竹杖
行吟

挂月過東籬
解組淵明髮未霜可憐三徑漸荒涼
獨餘晚節寒花在幾對
清香醉夕陽

畫竹二幅為強德中賦

此君標格本清真慣歷風霜不受塵
媿我平生心性癖愛渠
真節日相親

脩脩鳳尾拂雲長翠色涼陰護石床
午醉醒來心似水恍疑
清興落瀟湘

重九前二日思孟老親送酒口號以答其意

節近重陽菊未開故人先遣白衣來
病餘正喜無灰酒且對
東籬進幾杯

題子陵垂釣

太史當年奏客星息深無計可逃名
從先不着羊裘去釣得
桐江江水清

遣懷
時病初愈默坐中忽小童採芙蓉花一朵戲指索題

病起筠窓九月時傷懷幾度獨支頤
芙蓉花發紅如錦老却
秋光捻不知

畫牛為湯伯安賦

怕向齊王堂下過竟隨牧豎度烟蘿
時清賢俊俱登用更
有何人扣角歌

送劉進學之宣州任小畫

昔年玉署共遨遊此日分携計莫留
展卷題詩增嘆息一重
雲樹一重愁

小景四幅為竹鶴友人袁州何太守賦

樹底茅堂帶遠村望中野色過橋分携琴何處尋知己擬約
琳宮卧白雲

孤舟晚泊水雲鄉一枕南薰卧石床殘醉醒來涼雨後忽驚
漁笛在滄浪

江上芙蓉老素秋西風亂颭白蘋洲漁翁罷釣歸來晚一曲
滄浪古渡頭

門外茫茫雪滿天江邊寒壓釣魚船先生獨發清幽興郢曲
高歌任醉眠

秋冬小畫

秋高老樹半荒涼籬下黃花晚獨香一自淵明歸去後幾回
對酒憶柴桑

門外青山盡白頭此時誰棹剡溪舟先生獨擁吟肩坐應賦
梁園興未休

為克讓賦竹

憶我江南竹外居幾多蒼翠蔭窓虛碧雲風捲涼生後曾借
清陰畫讀書

送陳克讓

幾度都門送故人每回時節倍傷神驛亭楊柳秋狼藉獨有
黃花帶露新

題梅花

獨逞幽姿冰雪中不同桃李競春風莫言此日未成實停看
調和鼎鼐功

小畫梅竹幽禽二首

玉骨冰肌傲雪清
歲寒碧篠結同盟
幽禽也似憐芳質
故故飛來啄落英

羅浮仙子脫塵緇
遠訪湘江鼓瑟妃
擬結歲寒冰霜操
不妨幽鳥占南枝

梅竹二首

姑射仙人弄粉姿
此君相倚綠參差
秋秋何處飛來鳥
爭占春風第一枝

斜倚烟梢傍水涯
暗香踈影月明時
一團清氣無人識
獨有栖寒沙雀知

和韻題竹二首

鳳尾搖風翠雨寒
湘江雲暗幾千竿
扁舟記得經過日
吟倚蓬窓醉後看

湘浦朝看宿雨晴
隔林猶聽鷓鴣鳴
碧雲風淨涼生後
頓覺煩襟分外清

白鸚鵡

黑距黃冠玉雪姿
清時應效鳳來儀
上林棲處饒丹荔
肯學鷓鴣戀舊枝

賦竹

夢憶湘江路渺漫
鷓鴣啼處碧雲寒
澹烟疎雨孤舟晚
曾記推蓬醉後看

海棠白頭翁

獨憐幽鳥有何愁
飛向花間也白頭
應是春歸留不住
東風啼斷恨無休

梅竹幽禽

隴梅花發雪晴時獨對踈篁晚色宜何事幽禽不歸去應憐
冰玉到寒枝

聞訃音後不入睡省口號

紗窓日上夢初醒驚喜官閑志慮寧記得金門聽漏日幾

回和月候龍庭

挽老先生高味道之祖也時日過其家見壁上所題
之詩故和其韻

翰墨淋漓色尚鮮竟騎玄鶴上遼天別來十載重相過讀罷

題文思惘然

憶味道曰窓外有薔薇花一架故曰起興時永樂廿

二年春三月也

滿架薔薇帶露鮮小窓相對暮春天看花有憶同心友尊酒

孤吟思渺然

自述

烏紗玉珮錦衣鮮待漏金門月滿天朝罷歸來分曙色銀

鞍笑坐興飄然

舟中口號

十載編摩侍禁闈一朝優詔許南歸春風滿面歡無極

暫脫朝衣著綠衣

蓬窓曉眺

蓬窓睡起春日曉遠山數點晴更好白雲飛處樹依稀紫翠
空濛如可掃

過洪

徐州洪下呂梁洪巨石飛濤勢若春疏鑿當年誰氏力生民

猶賴禹王功

過高郵湖是日烟霧望東岸彷彿如寺

野樹茫茫夾岸斜望中烟浪浩無涯高低樓閣雲深處彷彿僧家與道家

送性初南還兼簡諸故舊

宦遊薊北一年餘每嘆離群學業疎傳語江南諸故友如何不寄半行書

送同年田進士

紫陌香塵蕩綠漪雨晴江上草離離鳥啼花落東風裏可是行人腸斷時

冬日獨坐口號

木落林空風怒號不堪寒雨苦蕭蕭衡門鎮日無人到坐久

吟懷轉寂寥

為湯靖題小景

門掩青山白晝閒野雲時逐鶴飛還幽人話到忘機處塵事紛紛總不關

題小畫牛

草暖郊原老犝肥牧童青笠綠蓑衣想應畊罷東臯晚急度河梁冒雨歸

題東坡遊赤壁圖并後一絕為錢仲禮賦

老瞞曾此倒旌旗遺恨茫茫帶碧漪獨有先生心似水來遊朗詠月明詩

寒江釣雪

四顧蒼茫玉樹寒扁舟何事泊江干想應棹入山陰道興盡

歸來理釣竿

題墨竹二首

數枝瀟灑洒碧琅玕清影誰移畫裏看記得短篷聽雨夜鷓鴣啼破碧雲寒

畫裏驚看玉一枝題詩猶想掖垣時日斜退直聯冠佩曾步清陰出鳳池

題賞春圖為邢中書

畫橋楊柳綠生烟綺閣瓊樓沸管絃何處賞春遊冶客紫駟馱醉落花前

笋

錦綉微露粉痕香纔出萋苔未過墻休道此時頭角短春風還見拂雲長

桃

佳實垂紅箇箇鮮連枝帶葉更清妍自泛宴罷瑤池會留與人間薦壽筵

林檎

異種相傳蜀郡生老僧何事獨留情也知不是貪滋味愛此累累果實成

枯木竹石

珊瑚老幹掛烟蘿蕭碧亭亭挺玉柯懸想旃檀禪定處雲根春鎖綠陰多

茄

本草名傳是落蘇箇中滋味勝羶腴老僧也愛田家好寫作山林野趣圖

菜

幾年飽飲大官羊
淡泊寧知此味長
獨有山僧心似水
摘供盤釘厭膏粱

竹木白頭翁

古木蒼蒼俯碧流
踈篁瑟瑟晚含秋
幽禽獨立西風裏
似白斜陽嘆白頭

題道院梅花二首

玉雪姿容鐵石心
一枝斜傍竹窓深
道人放鶴歸來晚
幾度相看月下吟

不見逋仙幾十年
六橋風月興茫然
尋春記得孤山下
曾棹東風載酒船

題評事尹廷資小畫

石橋苔徑接孤村
樹裏人家畫掩門
好似浣花溪水上
杜陵人去草堂存

題寒山拾得為道士潘為善作

赤脚蓬頭百結衣
咄咄應笑世人非
國清老衲相知後
更有何人解尔機

手拖竹笊笑呵呵
心地水清掃甚麼
塵世機關都識透
又將何事問姮娥

憶嗣初陳博士先生送別時曾許寄松鶴詩故云

憶昔都門話別時
畫橋官柳綠垂絲
匆匆不盡臨岐興
松鶴曾言寄我詩

送吳儀巡檢弟回

官河楊柳半青青
話別離亭思不勝
行舟獨載春歸去
忍向

沙頭看鵲鴿

送人歸省

春煖都門柳絮飛一尊綠酒送人歸
高堂明到稱觴處應對東風舞綠衣

走筆寄樊知州景昭唐舟御史附去

人事年來日轉多荒涼筆硯奈愁何
閑中莫道交情薄鴈到衡陽自不過

寄味道四絕

新詩欲寫問興居坐到黃昏一字無
不是別來情義薄祇緣筆硯日荒蕪

屋後青山戶外溪紅塵隔斷足幽栖
春風想像行吟處綠樹陰中聽鳥啼

官閑猶得著萊衣膝下承顏願不違
懸想碧桃花樹底錦輿幾度日斜歸

舞罷萊衣對遠山此心應共白雲閑
閑時自是僧家事還擬來趨玉笋班

戲題小畫

曙色籠窓噪乳鴉樓臺烟樹鎖晴霞
曲闌干畔人如玉笑倚東風看落花

靜海夜泊偶成

昔年曾此駐扁舟今日重過憶舊遊
明月異鄉人獨自郵亭依舊對寒流

和秦性初韻二首

簪纓朝罷天初曙退直歸來日未斜
羸得一生心自在愧無

才德報

皇家

染翰歸來興自賒吟鞭笑指夕陽斜
英英天際雲飛處幾度相疑是我家

和進士胡公智留別字宗愚會稽人任御史終布政
父別重來到日邊那堪今又買歸船
人生離會如秋月幾度虧時幾度圓

過沛縣登歌風臺口號一絕戲之十四年

少年曾誦大風歌此日登臨感慨多
千古英雄何處去空餘碑石對寒波

中秋病中口號二絕遣興

夜涼碧落絕纖埃天府誰將寶鑑開
素彩迷茫搖桂影玉波潑灑浸樓臺

玉斧仙家巧斲磨六丁推出湧金波
乾坤萬里俱涵璧歲歲無如此夜何

口號一首戲呈性初良友

一年一度進燈詩才薄多慚
聖主知不向同儕爭勝負祇將忠悃答明時

得家書口號寄回

庭闈久別客金臺幾度音書遠
寄來問我歸期歸未得西風須待菊花開

春日病中感懷四絕戲嘲同年諸知己
嘲秦性初

客窓卧病兩旬餘每嘆交游日漸疎
獨有山陰舊知己朝回幾度到衡廬

嘲彭顯仁



原件短缺

P64

寄語文江彭顯仁年來風采倍精神應知自得琴書樂不復
留心念故人

朝陳顯良

曉出長衢踏曙光歸來庭館又斜陽奔馳日日因何事祇恐
秋添兩鬢霜

朝存禮

青年文彩最風流玉署朝趨得自由退直歸來無箇事綠窓
相對拓茶甌

挽山陰王主事賢母

淑質清兮兩鬢星高堂正擬享遐齡如何一枕遊仙夢長夜
漫漫竟不醒

送朱德和就步士初之韻

紫泥還擬九天來

夏日睡起漫興

危枕藤床醉夢醒竹窓幽戶午陰清隔林好鳥如相約時
來啼三兩聲

墨梅

憶昔孤山雪後時鮮紅縞袂絕塵緇別來何事姿容老想過
羲之洗硯池

紅梅為孫瓚題

冰姿曾不染紅塵何事新粧也艷人想是瑤池醉歸晚誤隨
桃杏競芳春

寄同年陳行人回彼人來賣茶問及故云

昨來試問賣茶人為說君家是遠隣欲折梅花寄相憶一枝

老盡故園春

紅梅

鐵石心腸冰雪肌一生籬落靜相宜多應俗眼嫌清淡也學
桃花逞艷姿

題摺扇小舟似送行者

一葉扁舟柳市頭幾回欲上意綢繆臨風唱徹陽關曲無恨
離情逐水流

題幽蘭

露葉含曦迥絕塵花開岩壑殿芳春書窓讀罷清吟處愛尔
幽香自可人

墨梅

羅浮春動雪初消嫩蕊含香色更嬌記得玉堂清詠處闌干

東畔月華饒

獨坐感懷悼已故三兄揮泪成之

退直歸來意獨幽客懷偏動鶴鴿愁憶從暮雨分飛後幾度
相思泪暗流

送王公器歸鄉

載酒沙頭送舊游春歸花柳總含愁新鷺也似知人意啼傍
離亭不少休

脫却朝衫着布衣臨歧莫遣思依依人生得意須回首莫待
春深花亂飛

題八駿圖

弄影輕翻碧玉蹄香塵輦道騁騎嘶想應仙仗看呈罷却却
金鞍出御堤

題小景為邢編脩克敬賦

烟樹蒼茫帶遠林青山茅屋白雲深
衡門晝掩無塵到扶策應知覓賞音

題小竹為邢克敬作

何人醉寫碧琅玕翰墨淋漓濕未乾
記得孤舟湘浦夜一枝清影月中看

寄王伯順先生茅山人也

賣藥從來不計金門栽紅杏已成林也
知住近華陽洞曾得仙方養道心

題四皓圖

隱隱商山春到稀紫芝歌罷淡忘機
翻然只為留侯計一着炎劉決是非

梅花為強德中題

睡鴨香銷夜已分一窓淡月照梨雲
清香寒襲吟懷冷寫出新詩酒半醺

梅花為孔林茂題

野店踈籬曲澗潄孤標斜傍竹林深
相思寓直西清夜曾對寒香月下吟

題牛背牧童

春暖平原烟草肥柳陰牧罷夕陽微
兒童慣識林塘路縱着鞭繩月下歸

題松上雙喜鵲為易百戶賦

喬木凌霄雨露深陰連油幕晝沉沉
應多勲績褒封近靈鷲先來報好音

送前王公順歸鄉二首

江上西風老白蘋，驚看秋色獨傷神。嗟予自是天涯客，忍向天涯別故人。

朝回聯轡出皇州，載酒沙頭送舊遊。一片離心似楊柳，西風狼籍不勝秋。

題道士小畫二首

瀟湘昨夜雨初晴，鷓鴣飛來似有情。莫道孤栖不能語，當年曾學甕中聲。

琪樹含雲濕未收，曉未靈鷲立枝頭。疆疆不逐群飛去，得喜應先報羽流。

題吏部沈主事小畫

不到家山已十年，雲林書屋想依然。他時得遂歸田計，重向

耶溪理釣船

口號寄楊大參遜之

閒說薇垣德政新，公餘風月伴吟身。荔枝嚼到甘甜處，莫忘同時玉署人。

和吳驛幕賓詠天鷲二首

暫寄行踪野水濱，雪霜毛羽愛超群。他時高展凌霄翮，萬里扶搖掣海雲。

栖跡沙汀聲不聞，清竒標格異雞群。會看相逐丹山鳳，奮翅和鳴到五雲。

口號四絕送蔡良醫孫回桐鄉

蔡家孫子好丰儀，玉樹涵雲映碧漪。不獨能專盧扁術，又攻楷法學吟詩。

十年京國作芳隣，愛爾清勤學業新。
門徑日長無俗客，相親多是玉堂人。
家住桐溪越水頭，束書歸去棹扁舟。
到時匆輩驚相問，應說神州作勝遊。

溪上相陰浸碧波，波光風漾縐羅羅。
丹房別却經年久，到日應知長薜蘿。

寄武當邵郎中書來欲寄物難將故戲之

折破泥絨喜欲顛，故人何事意懸天。
仙山土物如相寄，陸路難將附便船。

憶昔曾同禁苑遊，花前風月幾賡酬。
別來雲樹分南北，一度相看一度愁。

寄王思孟

憶昔華陽作勝遊，仙房幾共醉觥籌。
青天歌罷月將落，猶自清談興不收。

春初口占二絕寄同年徐憲副

都門雪霽曉寒消，嫩綠扶春上柳條。
欲折一枝寄相憶，滇池萬里路迢迢。

古人千里重鷺毛，萬里將來意更饒。
慚媿客邊無以報，新詩聊寫代瓊瑤。

寄邵郎中因其納寵故戲之

自道精神不似先，好將真汞固丹田。
如何尚有風流態，忘却糟糠伴少年。

官居仙境列仙班，煉得丹砂有幾般。
衰朽自慚蒲柳質，肯分夢子駐容顏。

口占送吳公琰兼寄宗濂等友

三年大比又臨期每過西風憶舊知送別官亭寄消息秋香
須拆兩三枝

光陰冉冉急如流回首槐黃又是秋折得秋香聽捷日

都門翹首候行舟

送張先生致仕歸閩

昭代王門久曳裾承恩今喜賦歸歟平生心地清如水
行李蕭蕭總是書

顏如丹渥髮如霜廿載相逢在

帝鄉此日一樽臨祖道交情渾似別情長

蘭舟曉發潞河塢思入平沙路幾千想得到家尋舊業白雲
書屋尚依然

春暖鶯花滿禁城惜春那忍送人行柳邊怕聽呢喃燕似向
東風訴別情

寄中書洪益中夢菊先生四首

我來君去不相逢廿載交情若夢中遙想書窗吟樂處春風
醉看落花紅

都門風月昔同遊歸老家山幾閱秋清思也知多夢菊不知曾
夢故人不

望入天台客路長江雲野樹思茫茫別來每嘆光陰速屈指
于今已十霜

樗材慚愧職南曹閣劣何由識俊髦獨念故人成久別多情
聊爾寄霜毫

題三益圖



原件短缺

P71

大夫自是棟梁材
慣歷冰霜老不摧
若問平生誰是伴
湘娥姑射共徘徊

為李進士題竹

湘江夢斷路漫漫
露葉烟梢畫裏看
憶昔短蓬孤泊夜
鷓鴣啼徹雨聲寒

寄嘉興黃子勉太守

南曹晝永靜無塵
坐對紅葵憶故人
遙想瓊林同醉日
門墻桃李幾番春

送時陰陽大正歸儀真

慙慙千里寄香芹
珍重斯文氣味新
愧我平生心性癖
獨於此味家相親

青囊妙術得家傳
簪紱蟬聯幾百年
此日考成膺

村居 效陶體四首

幽幽村居異彼廛
廬門無車馬戶滿
桑榆羹藜飯糗淡
泊自如時鼓我琴
時讀我書

村居幽幽面山臨
流四時代謝春而
復秋載畊載耨于
田于疇租稅惟收
此外何求


依依楊柳蔭我戶
牖柔條嫩葉念汝
寧久嗟彼松篁四
時相守不凋不瘁
為我之友

嗟予小子才無寸
長寤寐周孔墜緒
茫茫譬彼滄海欲
涉無梁何以自釋
盡我壺觴

六言

戲書巖譯小扇

數點山凝晚翠
幾家門掩秋晴
斷續林間鳥韻
吾伊樹底書聲



原件短缺

P 1-7

聲

山水

雨過溪橋路滑雲深茆屋人閑門掩半林黃葉窓涵幾點青山

山水圖為趙輔作本學教諭克通之子也

曲曲溪迴洲渚重重樹掩人家落日數聲啼鳥春風幾度山花

默庵詩集卷終

昔日同遊玉署春喜君辭翰兩如神蔡邕傳業唯嬌女蘇徹
論文有懿親南浦綠波總解纜西山落日又沾巾欲題哀此
無佳句却恐泉中解笑人

四明楊守陳

三年別却鳳凰池哀毀傷生衆所悲已羨山濤能有子誰知
伯道竟無兒彤毫不染金花品黃壤空埋玉樹枝詩社相逢
倍悽愴招魂為賦楚歌辭

泰和尹直

黃金闕下紫微郎聞訃南還惜蚤亡賈至有詩誰可和鄧攸
無子共堪傷遊竟不復歸槐國染翰空思在玉堂我忝同
朝相識久吟成哀此欲沾裳

鳳沼承恩廿載餘風神楚楚更能書那堪大夢遊蓬島空
有遺編貯石渠才擅謫仙今已矣天於伯道竟何如白頭慈
母傷心處淚洒西風日倚閭

錢唐王獻



原件短缺

P9

早歲抽毫侍

玉皇五花筆底發天香

朝廷以悼忠臣逝

士類俄驚孝子亡芳樹雲深鶻血濕空齋月冷桂林荒幾回
太史昭潛傳欲未生芻奠一觴

雲中劉道

丙子年間卧病歸隔鄰垂問獨勤渠令人自醉周即在於我
相知鮑叔如南野叩門春載酒東樓剪燭夜看書而今事
事成陳跡望斷殘鴻幾嘆吁

中書秩滿欲喬遷白髮尚書訃忽傳千里三茅尋玉局五
年双壁墜黃泉伏生有女能名世伯道無兒不怨天落日

屋梁成底事一回馳想一潛然

江陰卜榮

海內交遊羨獨賢風流文采况翩翩可堪此別成千古却
憶同朝過十年楓樹楓林竟夢遠江花江草故情牽素車
白馬無由吊目斷南雲淚泫然

瓊山丘濬

偏傷故友情北砌植萱違素志南都結社負幽盟幾回踏碎梅
華月空想芳馨感慨生

雲間金銳

明故中書舍人向容曹君廷端為時名人天順辛巳丁尊甫冢
宰公憂守制居家哀毀成疾歲甲申春遂弗起而卒訃聞縉紳
傷悼不已君之家世功名事業文章德行則有誌銘可考余與
君為世契之友今不可見也哀哉慨夫遂成薤歌以哭云
汗血龍駒不易求康衢馳驟正優游官居近侍名偏著病入膏
肓藥弗投奕葉家聲存宇宙綿延嗣續渺滄洲同朝愧我交
情厚哀此詩成双淚流

天順八年夏五月既望直

文淵閣奉詔大夫吏部員外郎四明王璠書

憶昔金閨日分題每詠詩如何千里外便隔九泉時隴樹秋
雲慘茅堂暮雨悲悠悠從此訣故舊倍相思

南郡余謙

十載抽毫侍鳳池清才美行士林推高騫共擬 皇恩擢永
訣俄成故舊悲佳句誰收囊裏稿香名人仰墓前碑不堪埋
玉荒原外山雨蕭蕭泣子規 錢唐凌暉

論心自信交游少憶友徒增感慨多處世四旬無後嗣浮生一
枕竟南柯忍余懷抱千年恨重子清新七字我記得都門相別
去更堪長往意如何 耀宗美如冠玉淨無瑕三葉簪纓重

世家書法鍾王尤可尚詩宗李杜更堪誇正期釋眼來趨闕
空擬承 恩入草麻幾度傷心明月夜寒梅移影上窓紗

東吳馮定

橋梓同

朝風著聲鳳池染翰沐

恩榮

吟餘雅調成千首贏得清名播

兩京正喜摠才登

秘閣

可堪埋玉閔佳城春風南鴈傳哀訃和淚聞鶻倍愴情

懷柔王詔 青春咳唾落珠璣夢斷黃梁竟不歸從

此鳳凰池上路令人長憶謝元暉

海虞凌遠

一送君守制金陵去孰料翻為永別期官道可能同步月雨窓無
復共評詩計年喜過顏回筭紹業憐無伯道兒 東閣操觚今
已矣故山埋玉草離離 南陽李溥


十載抽毫侍

紫宸翩翩文采重儒紳詞工白雪多難和書法

黃庭迥迥真千里正期重會合九原誰料獨沈淪縱橫兩眼哭
君淚洒落西風益愴神 京口蔣敵

夜半霜凋玉對枝訃音俄爾到天涯如何塞徼七年別便作塵
寰萬古悲伏氏書存空有女鄧攸家在竟無兒交游洒盡平生淚
泉下故人知不知

內翰曹君廷端與余有家世之好丁丑歲初予罹譴北行禍
不可測廷端在京問遺弗絕其交誼之篤固非利害盛衰所



原件短缺

P12-13

能易也今余釋譴南歸方期會晤以罄平生而君已長逝
矣悠悠蒼天何奪我良友之速邪南望嗚咽悲不能已書
此以代執紼之意云錢唐于冕奉輓

拜官曾至中書令薇垣遺德人猶敬平生著述皆雄文燦爛
光華星日映風鳧飛侍尚書翁死安生順那能同鳳毛接翅
綵秀發蟬聯奕葉成翰忠才名千古清風揚三山流水同其
長留題不足照潛志英精夜夜輝虹光龍文羅寢暗松楸緡
紳遙憶不勝愁南天有日奉使去猶能萬里陳生芻

桐城何恂

卓犖才華邁後英誰知天上玉樓成要津已

失黎元望內翰空餘體法精花發禁街閑王勒月高古木隱
佳城試看公子如君少幾度傷心淚若傾

建安楊璋

鳳閣當年早致身皎然王對出風塵一從讀禮歸鄉國無復

兮哲人永訣我哀斯人兮愁腸欲絕編懷英姿兮人中之傑
涵養德性兮能圓而方擴充氣宇兮至大而剛才華矚矚

兮厥譽孔彰青年作宦兮存膺 寵光鳳池染翰兮日侍

聖王昨疏憂制兮執親之喪謝

天恩兮辭直玉堂駕舟

宵征兮歸彼華陽今春服闋兮我候南來東風鴈信兮訃
音何哀我辱君愛兮表曲慟我哽咽無語兮涕泗滿頤為

交游哀兮失茲輔仁益友為國家哀兮失彼梁柱美材驪

龍凌空兮遺領下殊迭應文瑞兮丹山鳳雛人羨子建兮

攄才而顯我哀伯道兮有德而孤倚閭抱痛兮幾於喪明

藁砧無藉兮泣血吞聲傳揚雅行兮重尔鄉評思覩玉質

兮瘞彼佳城天漠漠兮雲迷九京竟香香兮徒傷我情

蘇臺蔡敬

讀禮南歸幾度秋葉雲一且事仙遊日

遣無復趨

金殿天上多應記玉樓露柳曉含終古恨風蟬

晚送夕陽愁王孫此去何時返賦罷哀辭涕泗添丹臺張文曜

十年辭翰侍金奎咫尺天顏每對看應制新詩誇奪錦

奉天紫詔羨回鸞中朝重擬徵司馬南國俄驚失謝安惆悵

仙寬招不得九原從此夜漫漫平湖沈際

茂陵秋雨後不見馬相如華表歸遼鶴仙符夢玉魚承明思

夜直鸞誥憶天書掛劍今無及相望恨有餘平湖倪輔

聞道嚴君已闔棺歸來血淚不曾乾幾函翰墨留青瑣萬里

雲霄斷彩翰郢曲聲殘琴帳曉仙家夢入玉樓寒也知芳譽

乘難泯碑碣雄文太史官錦城桂茂之

仙班列職侍宸旒文采翩翩聞望優詩句曾留千里別詩音

今動百年愁花香春冷登山屐雲影時籠載月舟幾度思君

君不見空聯人說日風流

錢唐林章

一十年來聯近侍揮毫常在鳳凰池自從居疾還珂里無復

趨朝拜玉墀宰木聲含朝夕恨穹碑文刻古今知難兄聞訃

長安道幾對西風涕淚垂太安康玠

尊甫先朝冠六曹鳳池又見蚤揮毫可憐歸去持衰經無復

來參衣錦袍仙鶴竟辭緱嶺去斷猿空向蜀山號全歸黃壤

無遺憾手澤猶堪啓俊髦太和蕭颯用

明時橋梓並簪纓久處薇垣沐寵榮向為親喪還栗里竟

從仙路訪蓬瀛鐫碑有字昭潛德到處逢人說令名惆悵逝

寬招未得西風落日不勝情廬陵葛榮

廿年才美擅詞林此日如何竟陸沉吞繭紙存新染翰死矣

絃斷舊鳴琴蘭花遽謝餘清馥鳳鳥高飛渺好音幸有難

兄居相府傷心親為集哀吟

悠悠蝶夢入仙鄉

朝野聞來為感傷芸閣蠹生書尚在硯

池鯨化墨猶香人間揮翰無曾筆地下循文有卜商老我臨

風洒清淚無由縮地奠椒漿

太湖葉舟

默庵詩集序

客有詒予者曰詩可以不作乎予曰十五國風多田夫閨婦之辭矧為士大夫而詩胡可以不作但患不能發乎自然往往抽竒取巧失夫性情之正耳詩胡可以不作也又有難予者曰詩可以易作乎予曰作詩須探風雅之意以唐人為宗隨事命意遇景得情不失家數法度斯善矣然須是用功乃可到詩誠未易作也客去予方自咎言之不慙適滇臬僉憲句容曹公以先叔父吏部尚書子宜公默庵詩藁示予俾校編而序

其所以且曰此吾叔父志之所之非一朝夕之故者吾弟中書舍人恒欲錄梓以傳不果即世其責非予為而誰為予因閱而論之古詩多放陳伯玉常應物平淡閑雅得風雅翼中意長短歌行間出竒句亦不失溫李風五七言近體絕句思致清遠出入高達夫劉文房張文昌諸公機軸間要而論之是皆發乎自然道情述景或情景兼至而不失家數法度非探風雅之意以唐人為宗而功用之到者能之邪所以然者由公發身科第數歷清華進秩於容臺天官恒侍 禁廷應 制兼領鞞譯先後餘五十年

涇養造詣豈真一朝夕之故哉詩之餘曷不亦宜乎夫詩之宗唐猶射之宗羿奕之宗秋尤之宗僚一定而不可易者古今人稱唐詩殆非虛語故予以公之詩擬諸唐人蓋欲學者宗公之詩以入唐人之室有不難者姑蘇陳先生嗣初為翰林五

經博士時子少聞閣老以下多以詩文質之今觀此藁有題
張真人枯木竹石絕句一聲霹靂墮天星驚起潛蛟出海溟
烟雨滿林秋漠漠竟從何處弔相靈公手批云博士陳先生
看恐非唐人意更休效此體是則公詩之宗唐夙有定見予
安敢妄擬以犯不韙之罪哉公諱義子宜其字默庵其號故
集曰以名之愈惡名景字廷章錄名進士拜監察御史轉僉
閩滇臬中書諱冕字廷端筮仕鴻臚屬蜀遷典制中秘今昔
皆以文學鳴于時謂不本公之教也歟目併著之碑人知其所自
成化四年九月既望 京闈甲子科鄉貢進士雲南臨安府
儒學訓導校文官華亭曹安序

默庵文集序



